
Касб-ҳунарга меҳр қўйган фарғоналик ўқувчилар кўргазмали танловда ўз маҳоратларини намоён этдилар

Ўзбекистон туманидаги "Баркамол авлод" болалар мактабида "Қунт билан ўрган ҳунар, ҳунардан ризқинг унар" номли кўргазмали танловнинг вилоят босқичи бўлиб ўтди.

Унда вилоятимизнинг шаҳар ва туманларида фаолият кўрсатувчи "Баркамол авлод" болалар мактабларидаги тўгараклар аъзолари ҳисобланган 8 дан 18 ёшгача бўлган ўқувчи-ёшлар иштирок этди.

Танлов ўқувчиларнинг бўш вақтларини мароқли ва мазмунли ташкил этиш, уларни касб-ҳунарга йўналтириш, мактабдан ташқари таълим соҳасидаги билимларини мустаҳкамлаш ва ёшларни она юртга, миллий-маданий қадриятларимизга садоқат руҳида тарбиялаш мақсадида ташкил этилди.

"Флористика", "Мунчоқли безак", "Майда пластика" ва "Квиллинг" каби йўналишларда эгаллаган ҳунарларини намоёиш этган ёш иқтидор эгалари ҳакамлар ҳайъати томонидан баҳоланиб борилди.

Яқунда танловнинг ғолиб ва совриндорларига диплом ҳамда эсдалик совғалари топширилди.

2024-11-12 12:22:39